

Maannamut qujanaq aammalu tikilluaqqarput.....

Kalaallit Airports Holding A/S-ip ilinniarluni sungiusartussaq suli alla tikilluaqquaa.

Aasaanerani sulinngiffeqareernerup kingorna Kalaallit Airports Holding A/S-ip ilinniarluni sungiusartussaq suli alla tikilluaqquassavaa. Malik Vahl Rasmussen Qaqortumeersoq 2016-imili issittumi ingeniøritut ilinnialersimavoq, siullermik Sisimiuni ARTEK-imi, tamatumalu kingorna Lyngby-mi DTU-mi, maannakorpiarlum Malik-up Trondheim-imi Norges Teknisk- Naturvidenskabelige Universitet-imi paarlaasseqatigiilluni semesteri ataaseq naammassileruttorpaa.



Malik Vahl Rasmussen oqaluttuarpoq meeraallunilu qulimiguulimmi timmisartortartunngornissani takorlooqqaaraluarsimallugu, kisianni annikitsumik qalipaatinik ilisarinnissinnaannginnerup taamatut takorluugaqarnera unitsissimagaa. Tamatumunnga taarsiullugu, Kalaallit Nunaata oqaluttuarisaanerani sanaartornermut suliassat annersaanni – tassalu Nuummi, Ilulissani aamma Qaqortumi mittarfissat nutaat - ilinniarnermi sungiusarnini atorlugu, timmisartornermut aammalu timmisartumik angalanermut soqutiginninnerminik aallussinissamut maannakkut periarfissaqalerpoq.

Inuusuttortatta ilinniarnermi mittarfiliassanut suliassani sulinissamut soqutiginninnerujussuat, Kalaallit Airports Holding A/S-imi nuannaarutigaarput, oqarpoq pisortaaneq Peter Wistoft nangillunilu; ilinniarnermi sungiusartoq siulleq Povl Emil Rosing Olsen, DTU-mi pilersaarusionerq aamma attaveqatigiinneq immikkut sammillugu Issittumi ingeniøritut ilinniarnini naammassisussaallugu, aasaanerani sulinngiffeqareernerup kingorna atuariartoqqittussaq, nuannaarutigisorujussuusimavarput.



Povl-Emil ilinniarnermi sungiusarnermi ingerlasimanera pillugu oqarpoq; "Kalaallit Airports Holding A/S-imi qaammatit tallimat nuannerluinnarput, tassani suleriaatsit, soqutigisaqartut aammalu suliassani pilersaarusionerup/aqutsinerup akornanni ataqatigiissaarinermi suliatigut annertuumik paasisimasaqalerpunga.

Meeqqat atuarianni atuareernerma kingorna ingeniøringornissara takorluulersimavara, piffissap ingerlanerani issittumi ingeniøritut ilinniarneq pissaganartilersimallugu. Ilinniarnerup ilarujussua nammineq nunagisami, Kalaallit Nunaanni, ingerlanneqarsinnaavoq. Tassani taanna Issittumi toqqavilersuinerup, suliniutinik aqutsinerup sanaartornerullu iluanni immikkut piginnaasaqalersitsivoq.

Sungiusarnerup ingerlanerata København-imi ilinniarnema naammassinissanut suli annertunerusumik pilerilersippaanga, tassanimi semesterit marluk kingullit naammassisussanngorpakka. Suliniutinik aqutsineq, suliffeqarfimmi ingerlatsineq aamma aqutsineq annertuumik soqutigisaraakka aammalu siunissami MBA Arctic ilinniarnissaa takorluugaralugu. ”

Kalaallit Airports A/S-imi Povl Emil semesterini kingullerni sulilluarnissani kissaapparput peqatigisaanillu uagutsinni suliniuteqarneranut qutsavigalugu. Malik aggustimi suleqatigilernissanut qilanaarpugut.